



全邊略記 七上



漢書門			
九	一	一	類
二	〇	四	函
四	六	六	架
冊	冊	冊	冊

內閣文庫		
九	一	漢
二	〇	書
冊	冊	類

內閣文庫		
番號	漢	9116
冊數	24	( 12 )
函號	292	136




全邊略記卷之七

淺草文庫

蜀滇黔略

桐城方孔炤潛夫父輯



時我明肇造區夏。版圖厥貢。大師北伐。戊申迄辛亥。

稱正朔者四祀。四方雄傑歸命者。率與侯封。其仁如

天。蠢茲僞夏。尚據巴蜀。

帝祀告于上下神祇。命諸將分道伐之。湯和為征西  
將軍。同楊璟。廖永忠。周德興。曹良臣等。率京衛荆湘  
舟師。由瞿塘趨重慶。傅友德為征虜前將軍。同顧時

陳德汪興祖等率河南陝西步騎。繇秦隴趨成都。上密諭友德曰。蜀人聞吾西伐。必悉其精銳。東守瞿塘。北阻金牛。若出其意外。直擣階文門戶。旣墮腹心。自潰。兵貴神速。但患不勇耳。三月。湯和等克蜀歸州。取桑植芙蓉洞及覃屋茅岡塞。土酋覃屋爲亂。命平章楊璟討之。勅璟曰。蠻賊恃險阻。乘時竊發。出沒無常。若根誅深入。傷損士馬。所得不償所費。今師擊之。但使遠去。毋出擾州縣也。不必窮其巢穴。約束麾下。慎無逐利輕動。復命永嘉侯亮祖朱爲征虜右

副將軍。往助伐蜀。大會征進。先是友德受命馳至陝。集諸道兵。揚言出金牛。而引兵趨陳倉。選精騎五千爲前鋒。攀緣山谷。晝夜兼行。大軍繼之。四月。直抵階州。蜀守將丁世珍拒戰。友德擊敗之。生擒其將雙刀王等。遂克階。將至文州。蜀人斷白龍江橋。友德督兵修橋以渡。至五十里關。世珍復集兵據險。都督汪興祖躍馬直前。中飛石死。友德怒。奮兵急攻破之。世珍僅以數騎遁。遂拔文。蜀人自謂瞿塘天險。遣平章莫仁壽守之。以鏡索橫斷關口。聞王師臨境。又遣僞丞

全通略言  
相戴壽平章鄒興副樞飛天張益兵固守於鏡索外。北倚羊角山。南倚南城寨。鑿兩岸壁引纜爲飛橋者。三平以木板置砲石以拒我師。璟遣指揮韋權帥兵出赤甲山以逼夔。指揮李某出白鹽山攻南城。璟與都督王簡出大溪口進攻瞿塘。戰不利。赤甲白鹽之師亦退還歸州。永忠等亦以江水暴漲不能進。駐師大溪口。友德旣克階文。遂進白水江。蜀人望風驚遁。遂克綿州。至漢口。阻水不得渡。乃令軍中造戰艦百餘。艦成。將進兵漢州。欲以軍中消息達湯和。而山川

懸隔。適江水暴漲。乃以木牌數千書克階文綿漢日月。投漢江順流而下。蜀守者見之。爲之解體。友德進逼漢州。僞守將向大亨悉兵迎戰。友德擊敗之。戴壽聞友德兵下漢江。乃分瞿塘兵與太尉吳友仁還援漢州。以保成都。旣至。友德下命諸將曰。彼勞困遠趨。聞大亨兵敗。衆必洶洶。一戰可克。乃親迎敵。壽兵大敗。遂拔漢州。擒其招討黃龍萬戶梁士達等。壽與大亨奔成都。友仁走古城。友德追擊之。擒殺二千餘人。友仁自古城遁。還保寧。時和等師駐大溪口。欲候水

全邊略記  
平方進。上聞之乃詔和曰。傅將軍率精銳冒險深入克諸州。今次于平川。蜀無險可恃。正當水陸并進。使彼疲于奔命。平蜀之機正在今日。若候水退然後進師。豈不失機。朕前日所以與爾者。獨不憶乎。何怯之甚。詔至永忠遂帥所部奪夔府。鄒興等拒戰。永忠分軍爲前後陣。既接乃遣後軍兩翼傍出。與兵大敗。明日復併兵攻之。擒其元帥龔興。殺溺死者甚衆。六月永忠至瞿塘關。山峻水急。鍊索飛橋橫據關口。舟不得進。乃密遣壯士數百人。舁小舟踰山渡關。出

上流。人囊糗筒水以禦饑渴。蜀山多草木。令軍士皆衣青蓑衣。魚貫出厓石間。蜀人不之覺也。度其已至。乃率精銳出黑葉渡。分爲兩道。夜以一軍攻其陸寨。一軍攻其水寨。攻水寨將士皆以鍊裹船頭。置火器而前。蜀人盡銳來攻。永忠已破其陸寨矣。既而將士舁舟出江者。一時俱發上流。揚旗鼓噪而下。蜀人出不意大駭。下流之師亦擁舟進。發火砲火筒夾擊大破之。其將鄒興中火箭死。遂焚其三橋。斷其橫江鐵索。擒僞同僉蔣達等八十餘人。斬首千餘級。溺死者

無算。飛天張鐵頭張等皆遁去。永忠入夔府。明日和兵亦至。永忠乃與和分道並進。和率步騎。永忠率舟師。約會于重慶。永忠師行沿江州縣。望風奔附。乘勝抵重慶。次銅鑪峽。明昇君臣大懼。其右丞劉仁勸昇奔成都。昇母彭氏泣曰。延命旦夕。何益。大軍入蜀。勢如破竹。城中軍民雖數萬。膽碎。豈能効力。驅之拒戰。所傷必多。終亦不免。不如早降。以免生靈於鋒鏑。昇遂遣使詣永忠。納款。永忠以和未至。辭不受。後數日和至重慶。會永忠。以兵至朝天門外。明昇面縛銜璧。

與母彭氏及羣臣奉表詣軍門降。和受璧。永忠解縛承制。慰撫。下令將士不得侵掠。送明昇赴京師。七月。友德克成都。先是友德進兵圍成都。戴壽向大亨拒戰。以象載甲士。列于陣前。友德命以毒矢。火器衝之。象中矢却走。目蹂死者甚衆。友德亦中流矢。會和遣人報重慶之捷。及撫諭。戴壽向大亨等家。令其子弟持書往成都。招諭壽等。遂無鬪志。舉城降。友德分兵會朱亮祖。徇未下州縣。崇慶僞知州尹善清拒戰。擊斬之。進克保寧。執吳友仁。蜀地悉平。得蜀金寶玉。

冊銀印五十八。銅印六百四十四。川布政司領宣慰司一。宣撫司二。安撫司三。長官司十二。都司領宣撫司二。招討司一。安撫司四。長官司二十二。行都司領長官司五。播州宣慰。永寧龍州。為二宣撫。草塘黃平。黎州。為三安撫。泥溪。平夷。蠻夷。沐川。播州。餘慶。白泥。容山。真州。重安。九姓。平茶。峒。為十二長官。都司領石砬。酉陽。為二宣撫。天全。六番。招討。八郎。阿角。寨。夷。匠。兒。芒。兒。者。為四安撫司。木頭。靖州。岳。希。蓬。石。耶。峒。邑。梅。峒。占。藏。先。結。簇。蠟。匪。簇。白。馬。路。簇。山。峒。簇。阿。昔。峒。北。定。簇。者。多。簇。牟。力。結。族。班。班。簇。祈。命。簇。勒。都。簇。包。藏。簇。阿。昔。簇。思。曩。兒。簇。阿。用。簇。潘。幹。寨。疊。奚。鬱。即。為。二。十。四。四。川。土。官。二。十。五。烏。撒。芒。部。烏。蒙。長。右。隸。兵。部。武。選。同。知。一。人。龍。州。判。官。一。人。龍。州。宣。府。知。事。一。人。馬。湖。把。事。一。人。信。寧。海。倮。溪。麻。刺。材。昭。平。堡。寒。水。寧。戎。明。

月三盆巡箭八人。溪龍阿用。祿馬蠻夷。白水大平。瀘沾驛丞七人。改流知府一人。馬湖。右隸史部。驗封。行都司領衛六。日建昌衛。建昌前衛。寧番衛。越嶲衛。有。四。總。為。里。五。年。壬。子。正。月。元。遣。孽。梁。王。把。匝。刺。瓦。六。十。有。七。爾密竊據雲南。恃遠弗臣。遣翰林待制王禕。行參政吳雲。奉召至雲南。諭梁王曰。皇上聰明神聖。隆啓大業。作孚萬邦。惟爾僻阻。聲教。遣使諭意。祇若明命。亟奉版圖。安堵如故。高爵厚祿。身名俱全。柰何欲以一隅為中國亢哉。不聽。數日。又諭曰。爾不聞元綱。解紐。諸雄割據。天兵下征。悉膏鉄鉞。惟爾元君北走。

以死。擴廓帖木兒之屬。或降或竄。當是時先服者賞。後者戮。及宗嗣。乃今自料勇悍強獷。孰愈陳張。土地甲兵。孰愈中國。度德量義。孰愈。天朝推亡固存。孰愈。天命天之所廢。誰能興之。不然。皇上命將將龍驤百萬。戰於昆池。爾如魚游釜中。其亡可待。梁君臣駭服。已有降意。改館厚待。會故元太子自立沙漠。遣使脫脫徵糧雲南。且欲連兵拒我。脫脫覘知梁王有二心。因以危言迫梁王殺我使。以固其意。禕知不免。謂梁王曰。汝朝殺我。大兵夕下矣。與副使吳雲俱被

害。貴州宣慰使靄翠言。部落有隴居者。阻兵拒官府。請討之。上以隴居反側。由于靄翠所激。謂大都督府臣曰。蠻夷多詐。不足信也。中國之兵。豈外夷報怨之具耶。靄翠所請。不從。將啓邊釁。宜預防之。六年。四川蠻酋編張叛。命指揮袁洪討之。獲其男張壽。編張遁匿溪洞。餘黨散入雲南。上遣使諭洪曰。蠻夷乍降乍叛。乃其常事。不足深罪。俘悉編軍。如再不服。然後誅之。其所叛境。必以兵威震之。否則終無懼心。逃竄者。駐兵索之。毋遺民患。九年八月。將征雲南。命頴



川侯友德傳。巡行川蜀永寧雅播。修治城池關梁。於是金筑普定中岷乾溪等寨酋長相率來降。十年正月四川松藩等處蠻寇爲亂。命御史大夫丁玉爲平羌將軍。帥師討彭晉貴。平之。置松江衛戍守。十四年五月湖南五溪蠻作亂。議出師討之。江夏侯德興請行。時德興年老。上未之許。德興請益力。且彰其夔鑠狀。上壯而遣之。賜以手書曰。古之將臣忠於國者。盡智勇筋力之所能及。禦災捍禍。終其身而後止。趙充國圖取羌。馬援請計交趾。朕嘗嘆羨。謂古有

其人而今不可得。乃者五溪蠻叛。阻逼王化。朕方擇將命師。爾德興奮然請行。朕憫興年老。不忍使卿卿乃固請。爰命爲大將軍往靖南服。嗚呼忠勤不怠。卿之志見矣。禦侮安民。功成師旋。當有以報卿。七月師至五溪蠻。見兵威甚盛。悉敗走。不敢復出。八月時四川水盡源通。答平散毛諸洞蠻皆作亂。荼毒郡縣。上議征之。乃祭太歲。諸旗于龍江曰。上帝好生。凡有國者必欽承而致之。則民安物阜。西南諸夷。歲爲邊民患。斯患也。自堯舜以至于今。化弗循教。征弗畏。

威蓋恃崇山之固。倚林木之叢。跳梁出沒。虐良傷生。今命江夏侯德興充征南將軍。安慶侯成仇充副將軍。征取容美等洞。以及散毛。必欲摧堅撫順。以清西南。時德興方搜捕五溪。聞是命。即偕成等移兵進討。諸洞皆平之。德興還京。上勅賜慰勞。賜田一庄。九月朔。命潁川侯友德傅為征南將軍。永昌侯玉藍西平侯英沐為征南將軍。率師三十萬。往征雲南。列侯吳復。余朝興。仇成。張龍王。弼都督。張銓等皆從。征。上諭之曰。遐方行師。當知其山川險易。朕嘗覽輿圖。

咨詢于眾。得其扼塞。取之之計。當自永寧。先遣驍將率一軍。以向烏撒。大軍繼自辰沅。以入普定。分據要害。曲靖。雲南之喉嚨。彼必併力以抗我師。審察形勢。出奇制勝。正在於此。既下曲靖。三將軍以一人提兵向烏撒。應永寧之師。大軍直擣雲南。彼此牽制。彼疲於奔命。破之必矣。雲南既克。宜分兵徑趨大理。先聲已振。勢將瓦解。其餘部落。可遣人招諭。不必苦煩。師行。上出餞于龍江。旌旗蔽江而上。師至湖廣。友德分遣都督胡海。郭英。陳恒等。率兵五萬。由四川永寧。

趨烏撒。友德等率大軍由辰沅趨貴州。友德進攻普定。擒土酋安贊。羅鬼苗蠻犵狁。聞風迎降。十二月友德等兵至普安。攻下之。遂進取曲靖。故元梁王把匝刺瓦爾密遣其僞司徒平章遠里麻將精兵十餘萬屯曲靖以拒我師。沐英云。彼謂我師疲于深入。未有虞心。及其無虞心。乃可破也。於是倍道進師。將至白石江。忽大路四塞。衝霧及江而止。頃之霧霽。則兩軍相望。達里麻見之大驚。以爲神。我師作欲濟勢。達里麻擁陣南岸。友德用沐英謀。分遣一軍沂流潛渡。出

其陣後。吹銅角。樹旗幟。爲疑兵。山谷間。達里麻益駭。急撤陣。後軍以禦之。友德等趣師濟江。以猛而善泅者先之。旣濟。整列進戰。矢石砲銃齊發。呼聲震天地。戰數合。復縱鐵騎擣其中堅。敵衆大敗。生擒達里麻。死者不可勝記。俘二萬。友德悉縱歸。夷人益喜慰。軍聲大振。友德自率衆數萬擊烏撒。分遣沐英等率師趨雲南。梁王棄城走滇海島中。先縊。其妃自飲藥不死。投水死之。父老爭出金馬山。焚香拜迎王師。英入城。秋毫無犯。收梁王金印并官府符信圖籍。撫安其

民寔是月二十四日也。自出師至是。僅百日。雲南平。友德亦自曲靖率兵循格孤山而北。以應永寧之兵。遂搗烏撒諸蠻。元右丞寔卜聞胡海等兵進自永寧。乃聚兵赤河水以拒之。既而海等造木筏。夜半濟河。進師。而友德亦至。勢合威振。寔卜遁去。友德令諸將士築城。版鋪。方具。蠻寇復來。友德屯兵山岡。持重以待之。諸將欲戰。友德故弗許。士無不奮勇。思致死力。友德度其可用。下令曰。我軍深入。有進無退。彼既遁。而復合心。必不一。若使彼據險自固。未易克也。有土

會率衆來援寔卜。合勢迎戰。我軍鼓噪趨之。戰十餘合。其會長多中。槩墜馬死。蠻衆遂潰。斬首三千級。寔卜率餘衆遁。遂城烏撒。得七星關。以通畢節。又克沙渡河。於是東川烏蒙芒部諸蠻震懼。皆望風降附。十五年春。沐英等率兵掠徵江。臨安沅江。尋甸。楚雄。洱海。次第皆下。二月。進兵攻大理。城倚點蒼山。西臨洱河。爲固。南詔皮羅閣所築。龍頭龍足。上下二關。險要。土酋段世聞王師且至。聚衆五萬。扼下關。英自將攻之。牢不可破。乃令王弼以兵由洱水東趨上關。英兵

級為犄角勢。別遣胡海將一軍。夜從間道渡河。繞出  
點蒼山後。攀木緣崖而上。立我旗幟。遲明。我軍踴躍  
歡呼。賊眾驚亂。斬關而入。海率山上軍下攻之。賊背  
受敵。遂潰。拔其城。擒段世。遂分兵取鶴慶。平麗江。破  
石門關。下金齒。由是車里及摩些和泥等部相率歸  
附。又畧建昌。元平章川魯帖木兒降。雲南悉平。雲南  
布政司領宣慰司七。宣撫司三。長官司二十。都司領  
安撫司三。長官司三。車里木邦孟養緬甸老撾東里  
八百大甸為七宣慰。南甸于崖  
隴川為三宣撫。十二關納樓茶甸教化部王弄山虧  
容甸處溪甸思陀甸左能寨落恐甸安南祿谷寨刺

次河革甸香羅瓦魯之。因違羅必甸馬龍他郎甸者。  
樂甸紐兀芒市為二十長官。其都司領者安撫三。潞  
江鎮遠楊塘長官三。茶山雲南土官一百五十一。武  
鳳垓施甸右隸兵部武選  
麗江景東流江順寧永寧鎮沅蒙化孟良孟定知府  
十人。寶山南甸蘭州寧甸寧州富州北勝大侯雲龍  
浪葉部登州安寧威遠霑益羅雄鎮康陸涼知州十  
七人。臨西嶒峨雲南亦佐羅次元謀知縣六人。廣南  
姚安府同知鶴慶府知事一人。千里宣府經歷一人。  
巨津師宗浪蕓通安北勝領南姚州順州同知八人。  
北勝南安鎮南州判官三人。雲南楚雄亦佐易門定  
邊永平縣丞六人。昆明雲南廣通嶒峨定遠楚雄主  
簿六人。威遠州吏目一人。五井順盪鹽井副使二人。  
連為古刺騰衝樣備觀音山莎橋德勝關洱西在城  
打牛坪晉寧易龍驛丞十二人。金齒水眼鄧州寧  
蕃順寧尋甸禾摩村東山口浪滄江師井打牛坪盪  
井金沙江十二關備溪江青索翼納更山蒲陀崇鎮  
南箭桿場關索嶺鐵爐青水江黑鹽井西金沙江赤

水鵬定西嶺龍街關蔓神寨徐白水關南平關黑鹽  
井阿雄村戛賴元江禾摩村安南坡祿騰煉象關楚  
雄縣松詔鋪觀音山鳳羽鄉東金沙江回登關湯池  
英武關巡簡二十五人。改流二十五。知府三人。鶴慶  
尋甸廣西。知州四人。馬龍彌勒維摩阿維。知州二人。  
路南蒙目。府同知一人。楚雄府照磨一人。麗江。典史  
一人。浪穹。鹽井副使一人。彌勒沙。驛丞五人。永平孟  
哈潞江羅卜思庄雲南。巡簡十二人。宣化關甸頭樣  
備神摩洞下江南安州普昌石門關彌沙  
井雲龍甸煉象關楚場。右隸吏部驗封。諭雲南諸  
夷。詔曰。曩者元政不綱。豪傑縱橫。朕提師旅與之  
並驅。十有三年。然後命將四征。五年而天下定。萬姓  
寧。建號紀元。又十五年矣。華夏蠻貊。罔敢不服。惟爾  
烏撒烏蒙東川芒部建昌諸夷。抗命弗庭。而雲南尤

肆陸梁。用是命征南將軍統三十萬衆。問爾西南諸  
夷之罪。今部落俱已降附。特遣使齎詔。諭爾夷目。不  
遵教化者。卽加兵討之。爾等其洗滌效順。朕同仁豈  
有間。初。上諭友德等以雲南旣平。留江西浙江湖  
廣河南四都司兵守之。控制要害。考元時所常留兵  
數。并計歲支稅糧徭役之法。便宜以聞。至是友德奏  
自元世祖至今百有餘年。屢經兵燹。圖籍無從稽量。  
宜設衛定其稅。元司徒平達黑麻等嘗言。元末土田  
多爲僧道。及豪宦隱占。今準元舊則。於歲用有所不

足已督布政覆實。雲南臨安楚雄曲靖普安普定烏撒等衛及霑益盤江等千戶所。見儲糧數一十八萬二千有奇。以給軍食。恐有不足。宜以今年府州縣所徵并故官寺院入官田及土官供輸鹽商中納戍兵屯田之入以給之。上刺諭傅友德曰。諸蠻伺官軍散處。大勢不合。故有此變。今宜屯聚蕩除。戮其酋長。使之畏威。七月。詔至。友德乃移檄沐英會兵進討之。大敗烏撒諸蠻之衆。斬首三萬餘級。其黨惴懼。相率來降。蠻地悉平。乃以烏撒烏蒙芒部三府地近四

川。奏隸四川布政司。六月置大渡河守禦千戶。征南將軍友德調從征千戶吳中領兵千人守之。復造舟以渡往來之人。八月命安陸侯復吳克總兵官平涼侯聚費爲副。統軍往普定等勦蠻寨數十。諸夷懾服。未幾置貴州都指揮使司。以聚署部都司事。先是以大軍旣平雲南。卽分兵四出。攻諸蠻部未服者。雲南城守者少。諸夷因相扇爲叛謀。有土官楊苴者尤桀黠。給其下曰。總兵官已領大軍回矣。雲南城可圖也。糾集蠻衆二十萬來攻。進逼城下。守將都督謝熊都

指揮馮成督士卒嬰城固守。多置強弓弩於城上。賊至輒射之。往往應弦而斃。賊不能攻。遂爲困城計。時沐英駐兵烏撒。聞之卽選驍騎一萬遠援。至曲靖先遣一健卒潛入報城中。爲賊所得。詰之曰。總兵官領三十萬軍至矣。賊衆駭愕。轉相告報。拔營宵遁。走安寧。晉寧。江川。復據險樹寨。欲謀再舉。英調兵悉勦。殲之。斬首六萬餘級。生擒四千餘人。諸部悉定。雲南復平。十六年正月。友德等平蒙化府。登川州。破佛光砦。過金沙江。攻北勝府。擒僞平章高生。復平麗江府。平

津等州。前後斬首一萬三千餘級。蠻民降者四十萬戶。上以雲南平。命耿炳文往諭友德。班師。沐英留鎮雲南。麗川之外有國曰緬。車里之外有國曰八百。媳婦皆請內附。十七年八月。平緬宣慰司恩倫發遣力令孟入獻方物。并上故元所授司印。平緬在西南夷稍遠。自南大理越金齒。至其地。所謂百夷是也。元時常屬緬甸。有城所屋室。人皆樓居。地產象馬。官民皆禿髮如僧。出入乘象。前代未嘗通中國。元始入貢。洪武壬戌間。大兵旣下雲南。取大理金齒壤地與平



全邊略記  
緬相接。思倫發懼。故遣使朝貢。上嘉之。尋以麓川與緬連境。遂改爲麓川平緬宣慰使司。仍以思倫發爲使。兼統其地。按元時本分置兩路。今併爲一。雖長于撫御。却使緬夷氣勢漸張。次年二月。思倫發反。邦師征之。失利。二十一年正月。命穎國公友德統蕃漢大軍。征勦雲南諸蠻寇。雲南平緬蠻叛。結砦于馬龍也。卽甸之摩挲勒。總兵沐英遣都指揮甯正擊破之。斬首千五百級。三月。平緬復舉。衆號三十萬。戰象百餘。寇定遠。沐英自將精銳二萬往封之。旬餘抵賊營。

遣都督馮誠。以輕騎三百挑之。賊驅萬衆乘二十象來戰。誠一戰殺賊數百人。獲一象而還。英嘉曰。吾知賊不足破也。卽令諸將多置火銃神機箭。分吾將士作三行。俟彼象近。則前行之。銃箭齊發。若象未退。則第二行者繼之。第三行者又繼之。銃聲不絕。象必反走。然後大軍乘之。明旦賊驅百象來戰。象皆披甲背負戰樓。若欄楯然。挾大竹筒於兩傍。置短鎗其中。標射遠近。英分軍爲三。命馮誠領其前。甯正領其左。都指揮湯昭領其右。復申令曰。今日之事。有進無退。進

而捷者一級必重賞。退而衄者一隊必盡戮。於是將士皆鼓勇而進。陣旣交。彼象在前。我前軍火箭銃砲連發。雷擊電走。山谷震動。象皆反走。寇之勇而力者。曰昔刺亦。死死戰。我左師小却。英登高望之。命左右取師之首來。左師遙見一人。拔刀飛騎而下。麾衆復前。英責戰益急。三軍大呼而鏖。賊大敗。斬首三萬餘級。俘萬人生。獲七十四象。餘象皆被矢如刺。蝟以死。巨師力斯郎斯郎理各中百餘矢。斃象背上。餘黨走死山谷中。生還者百無二三。自是諸蠻誓服。平緬歲

入貢賦不復反矣。七月遣使齎勅諭征南將軍賴國公友德曰。東川芒部諸夷種類雖異。而其始皆出于囉囉厥後子姓蕃衍。各立疆場。乃異其名曰東川。烏撒蒙芒部祿肇水西。無事則互起爭端。有事則相為救援。若唐時閩羅鳳亡居大理。唐兵追捕。道經芒部諸境。羣蠻外稱歸順。內實狙詐。聚集凶醜。據險設伏。唐將不備。遂墮其計。以致喪師。皆因將帥過言無謀故也。近稱東川諸蠻不叛者。號為循良。固未可逆詐。然須豫加防閑。嚴整師旅。使彼不得肆其姦謀。然

後賊可破也。又曰：今令諸夷執送東川蠻人，恐此令既出，蠻人詭謀亦由此生。將假此輩爲名，偵伺我軍。當愈加嚴慎，不可托以腹心。蓋蠻夷者，夫婦無倫，亂如羣犬。雖父子不相保，言豈可信。今欲降伏之，山險道崎，林菁深邃，其人與猿猱無異。大軍一至，竄入林藪，猝難捕獲。宜且駐兵屯糧，待以歲月，然後可圖。八月，將征百夷，遣右軍都督僉事孫茂以鈔三萬二千錠往四川市耕牛萬頭，先往雲南屯田。已，又命曹震又命耿炳文，又命陳恒、葉陞等陸續往屯，命布政司

給銀糴糧，諭沐英等設堡置驛。聖祖舉事，其初預慮周悉如此。二十一年三月，遣使諭沐英曰：近得報知平討百夷，思倫發遁去，可移軍漸逼景東。然夷性頑獷，苟未引咎乞降，必再入寇。定邊去滇池遲行，則用旬月，速行又難與戰。欲圖萬全，須隨地屯田，堅壁固壘，與之相持，以俟大軍四集，然後進伐。五月，先是上遣舍人潘旺諭英曰：近命普定侯陳桓領步騎二十餘萬爲爾聲援，如欲增兵，當遣後繼。桓未及至，英恐後時失機，乃令其子春先往赤水河觀軍實，而

遣人來奏曰。百夷負固恃險。亦由雲南內地之人。互相煽誘。今欲大舉殲滅之。若干數十萬兵中。精選十萬。往取景東及遠幹威遠等地。賊聞必率衆來援。因逆擊之。勢必克。但巢穴未傾。須用再舉。今東川越州羅雄把哲諸夷。梟鷲未服。必須併力勦捕。一以資給糧餉。一以驚懾餘衆。使賊聞之。姦計自沮。仍于寬衍之地。爲來歲屯田之計。內地既定。續議大舉可也。東川一部。稍爲強盛。今罪狀已露。尚恃姦勇。必用進兵。庶可宣揚威德。上然之。九月友德等將兵討阿資。

道過平夷。以其山勢峭險。密邇龍海。宜築堡駐兵屯守。以捍蠻夷。遂遷其山民。往居早上村。留神策衛千戶劉成等領兵千人。樹柵置堡。其地後以爲平夷千戶所。阿資等寇普安。燒府治。大肆剽掠。因屯普安倚崖壁爲寨。友德等以精兵蹙之。蠻象皆緣壁攀崖墜。死者不可勝數。生擒一千三百餘人。阿資遁還越州。沐英遣都督竈正從友德擊阿資於越州。敗之。斬其黨大頭并宗等五十餘人。阿資勢窮蹙。與其母詣降。初阿資之遁也。揚言曰。國家有萬軍之勇。而我地有

萬山之險。豈能盡滅我輩。英乃請置越州馬隆二衛。扼其衝要。又分兵追捕。至是勢窮遂降。二十二年正月。置龍里衛指揮使司。施南忠建二宣撫司。施南忠建蠻叛涼國公玉討定之。置平壩衛指揮使司。置景東蒙化二衛。貴州布政司領宣慰司一。安撫司一。長官司五十二。蠻夷長官司二十。都司領長官司十二。貴州宣慰金筑安撫。貴竹水東青山。剗佐龍里白納底寨養龍坑施溪黃道溪水德江蠻夷沿河祐溪偏橋而阡苗民葛章葛商龍泉坪銅仁省溪提溪大萬山平頭著可烏羅麻響木瓜大華上馬橋大龍番程番小程方番金石番韋番洪番盧番羅番盧山都勻平川六峒邦水豐寧平定慕沒頂營十二營康佐寧

谷寨西堡為五十二長官。中曹垂西都坪峨異溪都素朗溪鎮遠金容金達邛水十二峒潭溪八舟洪州伯里曹滴洞古洲西山陽洞湖耳亮寨歐陽新化中林驗洞赤溪古洲西山陽洞龍里為二十蠻夷長官。其都司領者。新添小坪伐把平寨丹平丹行楊義樂平代平浪九名九姓獨山州為十二長官。右隸兵部。武貴州土官一十五。鎮遠府同知一人。通判一人。推選州判官一人。婺州縣丞一人。曹溪渡瓮城河盤江谷龍的成河單韓偏刀水。巡簡六人。司獄一人。改流二知縣一人。婺州巡簡一人。都蜀黔既平春二月。命景儒五堡三坑。右隸吏部驗封。往四川治道路。震至瀘州按視。有支河通永寧界。乃鑿石削崖。直接其地。以通漕運。復闢陸路。作驛舍郵亭。駕橋立棧。自茂州一道。至松礮一道。至

貴州以達保寧通陝西。由是往來便之。是月征古州諸洞蠻首克銀賴洞及三門合水古州蒲洞克銅羅蠻。三月俞通淵兵克龍里四寨。又克酒洞及赤沙上黃洪州迷洞。七月命普定侯恒陳往陝西修連雲棧。以入四川。都督王成往貴州平險阻。治溝澗架橋梁。以通道路。生苗乃馴。十二月命通政司經歷楊大用使百夷。初百夷思倫發寇摩沙勒及定邊西平侯英沐討之。思倫發凡再拒戰皆敗。乃遣其把事招綱等至雲南言往者叛逆之謀。實非已出。由其下力廝郎

力廝養所爲。乞貸其罪。願輸貢賦。雲南守臣以聞。上遣大用齎勅往諭。大用至麓川。思倫發遂以象馬白金方物入貢請罪。大用復令思倫發追獲雲南逃去叛賊自處等二人。把事力廝郎等一百三十七人。百夷遂平。二十三年六月遣尚寶司卿楊顥閱試雲南左右前臨安曲靖金齒大理洱海楚雄九衛軍司尚寶司丞楊鎮閱試貴州普定普安平越興隆五衛及舊平夷留平新添三千戶所軍馬。顥所閱者官一千三十五員。士卒八萬七千三百七十人。鎮所閱者

官三百七十一員。士卒二萬九千六百五十九人。二十  
十四年八月雲南左布政張純奏維摩雲龍永寧浪  
渠越順等州蠻民頑惡不遵政教宜置兵戍守以控  
制之。上報曰蠻民習俗自昔與中國不同爲政者  
羈縻之可也。十一月越州土酋阿資復叛命前軍都  
督僉事何福爲平羌將軍討平之。次年正月福移師  
討雲南都勻所部九姓等處及畢節囉囉諸蠻克之。  
遂與都督毛鼎等謀還兵討五開洪洎諸洞未行而  
諸蠻復叛南侵貴州北蹂畢節東接沙溪西逼威清  
之境福乃命畢節諸衛嚴守備禦茅鼎等直擣其巢  
擒蠻首戮之。因築堡屯守乃進兵征五開等處時福  
又遣人奏故宣慰使翠靄妻奢香鴛鴦不服請兵討  
之。上以其非稔惡不許。二十五年命涼國公玉藍  
討建昌叛酋月魯帖木兒迺勅景川侯震曹四川  
訓練士馬以俟調用諸軍糧兼給米鈔存其餘以餉  
建昌之卒。十月遣使諭藍玉曰月魯帖木兒兇頑無  
識生死輕重殊無顧藉其用事者楊把事達達千戶  
二人而已若大軍壓境或有使來恐是此人宜卽羈

之勿令復去。昔寇恂斬皇甫文。而用高峻。用此計也。且月魯帖木兒。其出也。或詭詐以覘我軍。不可信之。若知其所在。卽遣兵進攻。若來降。密爲之防。事起所忽。不可不慎。屯守建昌土軍三千人。宜收入營。諸將校。亾者捕送京師。又蘇州去西番甚邇。宜早定之。其柏興州賈哈刺境內。摩娑等部。亦須除其兇渠。然後宥其餘衆。俾耕牧以供賦稅。凡節制軍務。惟此最當留意。賈哈刺者。摩娑洞土豪也。初王師克建昌。授以指揮之職。至是從月魯帖木兒叛。十一月。王兵次柏

興州。遣百戶毛海以計。誘致月魯帖木兒。伏誅于京師。王因奏四川之境地。廣山險。控扼西番。連歲蠻夷梗化。蓋由軍衛少。而備禦寡也。宜增置屯衛。順慶府鎮禦巴梁。大足諸縣。其保寧千戶所。北通連雲棧。宜改爲衛。漢州灌縣。邛縣。西連松茂。碉黎。當土番出入之地。眉州控制馬湖。建昌。嘉定。接山都。長九寨。俱爲要道。皆宜置增軍衛。下羣臣議行之。遂築邛部諸城。置越雋衛守之。王又奏四川軍士少。請籍民丁爲兵。其長河西。朶甘。百夷地。相連屬。恃其險遠。久不入貢。



請兵致討。上報玉曰。籍民爲軍。甚不可。其民連年。供輸煩擾。又以壯者爲兵。其何以堪。况兇渠已殄。人知順命。雖獷悍者。漸革其習。戍守軍士。皆有成規。何用增益。重困吾民乎。其長河西朶甘百夷之事。朕惟兵久在外。不可重勞。但養銳蓄威。徐議大舉。此非四十萬衆不可行也。今爾所統之兵。逗留守禦。餘令回衛。爾卽還京。玉遂班師。二十六年十一月。戶部奏。貴州宣慰司安約言。水東所統異種蠻民。言語不通。雖承納租賦。而近年逋負益多。逃徙隣境。無從征納。西

平侯春沐亦言。水西土官靄翠所納稅糧八萬石。連年遞減。至二萬石。然亦不能供也。上曰。蠻夷之人。其性無常。但羈靡之足矣。其貢賦之逋負者。悉免徵。逃徙者。招諭復業。二十七年十一月。宣慰安約貢馬二十六匹。以免其積年逋租故也。二十八年正月。鎮守雲南西平侯春沐督何福討越州叛酋阿資。斬之。先是越州蠻龍海子阿資。據龍窩。殺掠害民。命諸將征之。師無功。自後無敢議伐者。愈肆猖獗。春復討之。衆以爲難。進兵紫溪山。擒其黨者宗。春謂衆曰。歷

年不獲此寇者。彼恃其地多險阻。及各土酋。皆姻婭。得以匿之。今調土酋。悉從征。設謀羈絆。俾不能通。復多置營堡。相犄角。其出入授首。必矣。乃進兵至赤窩。果獲阿資。梟其首以殉。并誅同惡三百餘人。蠻夷震服。貴州土官何主作亂。都指揮顧成討平之。二十九年十一月。以都督顧成充總兵官。掛征南將軍印。率貴州都司軍馬。征勦水西。居宗必登等。不納糧。差十二月。攻破濶水。尅宗那革賈母龍等關寨。斬首三千餘級。俘獲二千餘人。成有勇略。鎮貴州二十餘年前。

後勦平峒寨。擒斬蠻賊。不可勝計。諸夷懼服。三十年古州上婆洞蠻林寬作亂。聚攻龍里。守禦千戶吳得鎮撫井孚令人馳報。貴州都司堅守以待其援。賊攻燒益急。得曰。爲國守邊。父母在城。賊勢如此。若城不能守。父母不能救。何用生爲。卽率麾下馳入賊陣中。殺數十人。搏戰不已。遂中毒弩死。孚繼戰亦死于陣。城遂陷。事聞。上曰。忠孝立身之大節。能克全者。古人所難。吳得井孚臨難捐身。因忠顯孝。烈丈夫哉。追贈得爲指揮僉事。孚爲正千戶。子襲職。鈔帛恤其家。

十一月平緬蠻刁幹孟叛。逐宣慰使思倫發。命西平侯春沐為征虜前將軍。何福徐凱為左右副將軍。率師討之。三十一年五月西平侯春沐擒刁幹孟。思倫發還平緬。時都督僉事徐凱亦執木瓦寨叛酋賈哈刺。送京師伏誅。十一月詔顧成班師。先是成以都督僉事充征南將軍。帥師征水西蠻。既又征五開。所向克捷。至是征平州六洞等。長官司一百三十七峒。皆平之。悉撫諭復業。師還駐常德待命。詔諭班師還京。賞勞成及其副將何清宋晟韓觀有差。永樂初

設普安安撫司。以土酋慈長為安撫。元年沐晟奏車里宣慰土官刁暹答剽威遠。請討之。上曰。昔皇考之世。思倫發為其下所逐。但遣人諭之。怙終不悛。乃發兵殄此成法也。今始遣使賜賚諸夷。而遽繼以兵。何以取信。且聞車里已納上威遠印信。悔過之心已萌。可令雲南都司移文。未幾刁暹答遣人來朝謝罪。并還所掠。二年四月麓川平緬宣慰思行發遣人訴孟養木邦數侵其地。時孟養木邦方遣貢。部臣請以貢使付法司。上曰。蠻夷相攻。自昔有之。執一二

人未足以革其俗。曲直未明。遽罪其使。祇阻向化。可令西平侯遣諭之。宣德二年。四川按臣奏。松潘塞蠻阿用等。糾集黑水生番。萬餘出掠。遣指揮陳傑往禦之。被害。今調李興討之。上曰。或者邊將有以激之。蓋由松潘千戶錢宏。往往征交趾。憚行設策。詭言番蠻剽掠。則免矣。官軍遂入麥匝等簇。逼取牛馬。番人忿怒。以此遂亂。都司以聞。上曰。朕固疑之。果然。切責守者。後番蠻結弟等。歸罪聽撫。斬錢宏于松潘。九月。以緬甸大頭目莽得刺。爲緬甸宣慰使。從其蠻情所

推也。四川龍州土官知州薛忠義。奏乞改爲宣慰。置軍。上曰。龍州開治。歷年久矣。生番接境。自昔已然。今欲編集入伍。蠻性未必實從。其遵舊章。勿議。八月初。四川都司本處官軍。除舊操備九千五百餘人。又有運糧守堡者千三百餘人。又松潘調往六千八百餘人。通計近二萬人。若依三番更代。餽給實難。兼守城軍士不足。乞如寧夏例。兩番還取衣裝便。上從之。都督陳懷。奏松番衛南至保縣。東至江油。城池關堡三十餘處。皆諸種生熟番蠻雜居。其官軍分守。悉

三  
日  
三  
日

經奏准。且今疊溪雙馬。諸寨番蠻。或肆攻。或聲聚。都司所奏兩番者。猝難應助矣。行在兵部侍郎王驥議。如寧夏例可。懷復奏討蠻。上重恤人力。召之還。勅叅將蔣貴曰。興師動衆。古人所慎。爾宜熟計。番果帖服。擇所領壯盛爲守。而以老弱轉餽。毋令久勞役也。正統元年。初。洪武間。克平雲南。惟百夷酋長思倫發未服。後爲頭目刁干孟所逐。赴京陳訴。命爲宣慰。回居麓川。分其地。設孟養木邦。孟定三府。隸雲南。設潞江。干崖。大候。灣甸。四長官司。隸金齒。永樂元年。陞孟

西  
保  
官

